



REPUBLIKA E SHQIPËRISË  
MINISTRIA E ARSIMIT  
DHE SPORTIT  
MINISTRI

5798  
Nr. ... Prot.

Tiranë, më 31.07.2015

**UDHËZIM**

Nr. 24, datë 31.07.2015

**PËR  
ZHVILLIMIN E KONKURSEVE TË PRANIMIT DHE TARIFËN E REGJISTRIMIT PËR  
KONKURRIM NË DISA PROGRAME STUDIMI TË CIKLIT TË PARË MË KOHË TË  
PLOTË, NË INSTITUCIONET PUBLIKE TË ARSIMIT TË LARTË, PËR VITIN AKADEMIK  
2015 -2016**

Mbështetur në Nenin 102 të Kushtetutës së Republikës së Shqipërisë, në Nenet 33 dhe 75 të ligjit Nr. 9741, datë 21.05.2007 "Për Arsimin e Lartë në Republikën e Shqipërisë", i ndryshuar, Vendimin nr. 638, datë 22.08.2015, të Këshillit të Ministrave, "Për kuotat e pranimit në institucionet publike të arsimit të lartë, në programet e studimeve të ciklit të parë, në programet e studimeve jouniversitare profesionale dhe në programet e integruara të studimeve të ciklit të dytë, me kohë të plotë, si edhe tarifatat e shkollimit për vitin akademik 2015 - 2016", si dhe në zbatim të Vendimit të Këshillit të Ministrave nr. 78, datë 08.02.2006 "Për krijimin e maturës shtetërore dhe pranimet në shkollat e larta publike", i ndryshuar,

**UDHËZOJ:**

1. Pranimet në programet e ciklit të parë të studimeve me kohë të plotë, për vitin akademik 2015-2016, në:
  - 1.1 Universitetin e Arteve të Tiranës (të gjitha programet e studimit të ciklit të parë me kohë të plotë);
  - 1.2. Universitetin e Sporteve të Tiranës (të gjitha programet e studimit të ciklit të parë me kohë të plotë),
  - 1.3. Universitetin "Luigj Gurakuqi", Shkodër, (programet e studimit të ciklit të parë me kohë të plotë "Edukim Fizik dhe Sporte", "Pedagogji Muzikore" dhe "Pikturë e Grafikë"),
  - 1.4. Universitetin "Aleksandër Xhuvani", Elbasan (programi i studimit të ciklit të parë me kohë të plotë "Edukim Fizik dhe Sporte"),

Universitetin "Aleksandër Moisiu", Durrës (programet e studimit të ciklit të parë me kohë të plotë, të Fakultetit të Studimeve të Integruara me Praktikën - FASTIP):

a. Menaxhim i Bankave (Program në gjuhën angleze)

b. Menaxhim i Ndërmarrjeve të Vogla dhe të Mesme (Program në gjuhën angleze)

të bëhen mbi bazën e rezultateve të Maturës Shtetërore dhe të rezultateve të fituara nga konkursi i pranimit, i organizuar nga këto institucione publike të arsimit të lartë.

2. Në Universitetin e Arteve të Tiranës, si dhe në programet "Pedagogji Muzikore" dhe "Pikturë e Grafikë" të universitetit "Luigj Gurakuqi", Shkodër, rezultatet e shkollës së mesme (nota mesatare e viteve të shkollimit dhe gjithë provimet e Maturës Shtetërore), të llogariten në masën 30% dhe rezultatet e konkursit të pranimit në masën 70%, sipas Tabelës nr. 1, bashkëngjitur këtij Udhëzimi.

Kandidati që nuk kalon pragun e pikëve minimale të konkursit të pranimit, në programin ku ka konkurruar, sipas Tabelës nr. 2, bashkëlidhur këtij Udhëzimi, sipas përcaktimit për program studimi, nuk fiton të drejtën e studimit.

3. Në Universitetin e Sporteve të Tiranës rezultatet e shkollës së mesme (nota mesatare e viteve të shkollimit dhe gjithë provimet e Maturës Shtetërore), të llogariten në masën 50%, kurse rezultatet e konkursit të pranimit në masën 50%, sipas Tabelës nr. 1, bashkëlidhur këtij Udhëzimi.

4. Në Universitetin "Luigj Gurakuqi", Shkodër dhe Universitetin "Aleksandër Xhuvani", Elbasan, në programin e studimit "Edukim Fizik dhe Sporte", rezultatet e shkollës së mesme (nota mesatare e viteve të shkollimit dhe gjithë provimet e Maturës Shtetërore), të llogariten në masën 50%, kurse rezultatet e konkursit të pranimit në masën 50%, sipas Tabelës nr. 1, bashkëngjitur këtij Udhëzimi. Në programet e studimit të FASTIP të Universitetit "Aleksandër Moisiu", Durrës, rezultatet e shkollës së mesme (nota mesatare e viteve të shkollimit dhe e të gjithë provimeve të Maturës Shtetërore), të llogariten në masën 40%, kurse rezultatet e konkursit të pranimit (Gjuha Angleze dhe intervista e punësimit) në masën 60%, sipas Tabelës nr. 1, bashkëngjitur këtij Udhëzimi.

Kandidati që nuk kalon pragun e pikëve minimale të konkursit të pranimit, në programin ku ka konkurruar, sipas Tabelës nr. 2, bashkëlidhur këtij Udhëzimi, sipas përcaktimit për program studimi, nuk fiton të drejtën e studimit.

5. Për të gjitha programet e studimit, sipas pikës 1, të këtij Udhëzimi, pikët minimale dhe maksimale të konkurseve përcaktohen në Tabelën nr. 2, bashkëngjitur këtij Udhëzimi.

6. Rregulloret dhe programet e konkurseve, të miratuara nga IAL-të përkatëse, të bëhen publike, duke filluar nga data 31 korrik 2015.

7. Kandidatët që kanë përzgjedhur gjatë aplikimit me formularin A2, programet e studimit sipas pikës 1, të këtij Udhëzimi, kandidatët që përfitojnë nga kuotat e akorduara për shqiptarët jashtë kufijve të vendit, të verbrit, Romët dhe Ballkano-Egjiptianët, invalidët paraplegjikë e tetraplegjikë, jetimët, shtetasit e huaj si dhe kandidatët që aplikojnë për program të dytë studimi apo transferim studimesh, që do të marrin pjesë në konkurset e pranimit për këto programe studimi, të regjistrohen për zhvillimin e konkursit pranë sekretarive mësimore të Fakultetit përkatës. Periudha e regjistrimit të jetë nga data 12 Gusht 2015 deri në orën 12.00 të datës 18 Gusht 2015.

Agjencia Kombëtare e Provimeve AKP, deri në datën 10 Gusht 2015, të përgatisë listën e konkurrentëve për konkurset e pranimit në programet e studimit sipas pikës 1, të këtij Udhëzimi, sipas preferencave të kërkuara prej tyre në Formularin A2.

9. Listat e konkurrentëve për secilin konkurs pranimi, të pikës 1, për të gjithë kandidatët që kanë plotësuar Formularin A2, t'u dorëzohen nga AKP-ja Institucioneve Publike të Arsimit të Lartë, sipas programeve të studimit, në formë të shkruar dhe elektronike, brenda orës 12.00 të datës 11 Gusht 2015. Së bashku me listën e konkurrentëve dërgohen pranë IAL-ve publike dhe udhëzimet teknike për hedhjen e pikëve të konkurseve në sistemin e maturës shtetërore online si dhe përdoruesit (*username*) dhe fjalëkalimet (*passwordet*) e sekretarive të fakulteteve.

Kandidatët që përfitojnë nga kuotat e akorduara për shqiptarët jashtë kufijve të vendit, të verbrit, Romët dhe Ballkano-Egjiptianët, invalidët paraplegjikë e tetraplegjikë, jetimët, shtetasit e huaj si dhe kandidatët që aplikojnë për program të dytë studimi apo transferim studimesh, që do të marrin pjesë në konkurset e pranimit për këto programe studimi, aplikojnë drejtpërdrejtë në institucionet përkatëse të arsimit të lartë publik.

10. Rektoratet dhe dekanatet e IAL-ve publike të shpallin në mjedise të dukshme të institucioneve të tyre deri në datën 31 korrik 2015 datat dhe oraret e veprimeve të regjistrimit, procedurat përkatëse, listën e dokumenteve të nevojshme për të siguruar një ecuri normale të procesit të regjistrimeve në konkursin e pranimit në ciklin e parë të studimeve me kohë të plotë.
11. Sekretaritë mësimore të fakulteteve përkatëse, të programeve të studimit të pikës 1, pas verifikimit të listave të të regjistruarve, me listën e dorëzuar nga AKP, në datën 18 Gusht 2015, ora 16.00, të shpallin listat e konkurrentëve të regjistruar dhe t'i afishojnë ato në vende të dukshme, në mjediset e Fakulteteve të tyre.

12. Datat e konkursit të pranimit në këto institucione publike të arsimit të lartë, të jenë sipas këtij kalendari:

12.1 Universiteti i Arteve, Tiranë në periudhën:

26 - 29 gusht 2015

12.2 Universiteti i Sporteve të Tiranës në periudhën:

19 - 27 gusht 2015

12.3 Universiteti "Luigj Gurakuqi", Shkodër për programin e studimit:

a. Edukim Fizik dhe Sporte 19 - 24 gusht 2015

12.4 Universiteti "Aleksandër Xhuvani", Elbasan, për programin e studimit:

a. Edukim Fizik dhe Sporte 19 - 24 gusht 2015

12.5 Universiteti "A. Moisiu" Durrës, për të gjitha programet e studimit të përcaktuara në pikën 1.5 të këtij udhëzimi:

19 - 21 gusht 2015

13. Tarifat e regjistrimit të kandidatëve pjesëmarrës në konkurset e pranimit në programet e mësipërme të studimit në institucionet e Publike të Arsimit të Lartë, të jetë 5 000 (pesë mijë) lekë.
14. Të gjitha tarifat e regjistrimit për konkurrim në programet e ndryshme të studimit të ciklit të parë me kohë të plotë të arkëtohen nëpërmjet sistemit bankar ose zyrave të postës shqiptare, për llogari të IAL-së publike përkatëse.
15. Konkurset e pranimit në këto Institucione Publike të Arsimit të Lartë të monitorohen nga përfaqësues të MAS.
16. Rezultatet e konkurseve të pranimit hidhen në portalin e Maturës Shtetërore online nga sekretaritet e fakulteteve sipas procedurave të udhëzimit teknik të dërguar nga AKP. Më pas ato dërgohen në MAS e në AKP, në formë shkresore dhe elektronike (në CD), brenda 3 ditëve nga përfundimi i tyre, dhe, gjithsesi, jo më vonë se data 29 gusht 2015.
17. Për zbatimin e këtij Udhëzimi ngarkohen Drejtoria e Arsimit të Lartë dhe Shkencës, Agjencia Kombëtare e Provimeve (AKP) dhe Institucionet publike përkatëse të Arsimit të Lartë.

Ky Udhëzim hyn në fuqi menjëherë dhe publikohet në "Fletoren Zyrtare".

**LINDITA NIKOLLA**

**MINISTËR**



MINISTRIA E ARSIMIT DHE SPORTIT (TABELA NR. 1)  
PËRQINDJA QË ZË MATURA SHTETËRORE NË PIKËT FINALE TË MERITË - PREFERENCËS

EMËRTIMI I UNIVERSITETIT	ID e PROGRAMIT	EMËRTIMI I PROGRAMIT	% e Maturës Shtetërore	% e Konkursit të Pranimit
Universiteti "Aleksandër Xhuvani" Elbasan	139	Edukim Fizik dhe Sporte	50	50
Universiteti "Luigj Gurakuqi" Shkodër	181	Edukim Fizik dhe Sporte	50	50
Universiteti "Luigj Gurakuqi" Shkodër	190	Pikturë e grafike	30	70
Universiteti "Luigj Gurakuqi" Shkodër	191	Pedagogji muzikore	30	70
Universiteti "Aleksandër Moisiu" Durrës	258	Menaxhim i Bankave (Program në Gjuhë Angleze)	40	60
Universiteti "Aleksandër Moisiu" Durrës	259	Menaxhim Hoteleri Turizëm (Program në Gjuhë Angleze)	40	60
Universiteti "Aleksandër Moisiu" Durrës	260	Menaxhim i Ndërmarrjeve të Vogla dhe të Mesme (Program në Gjuhë Angleze)	40	60
Universiteti i Arteve, Tiranë	261	Regji Filmi dhe Televizioni	30	70
Universiteti i Arteve, Tiranë	262	Akrim	30	70
Universiteti i Arteve, Tiranë	263	Regji	30	70
Universiteti i Arteve, Tiranë	264	Skenografi - Kostumografi	30	70
Universiteti i Arteve, Tiranë	265	Koreografi	30	70
Universiteti i Arteve, Tiranë	266	Pikturë	30	70
Universiteti i Arteve, Tiranë	267	Skulpturë	30	70
Universiteti i Arteve, Tiranë	268	Muzikologji	30	70
Universiteti i Arteve, Tiranë	269	Kompozim	30	70
Universiteti i Arteve, Tiranë	270	Dirizhim	30	70
Universiteti i Arteve, Tiranë	271	Piano	30	70
Universiteti i Arteve, Tiranë	272	Violinë	30	70
Universiteti i Arteve, Tiranë	273	Violonçel	30	70
Universiteti i Arteve, Tiranë	274	Violë	30	70
Universiteti i Arteve, Tiranë	275	Kitarë	30	70
Universiteti i Arteve, Tiranë	276	Kontrabas	30	70
Universiteti i Arteve, Tiranë	277	Flaut	30	70
Universiteti i Arteve, Tiranë	278	Oboe	30	70
Universiteti i Arteve, Tiranë	279	Klarinetë	30	70
Universiteti i Arteve, Tiranë	280	Fagot	30	70
Universiteti i Arteve, Tiranë	281	Korno	30	70
Universiteti i Arteve, Tiranë	282	Trombë	30	70
Universiteti i Arteve, Tiranë	283	Trombonë	30	70
Universiteti i Arteve, Tiranë	284	Bastub	30	70
Universiteti i Arteve, Tiranë	285	Kanto	30	70
Universiteti i Arteve, Tiranë	286	Pedagogji Muzikore	30	70
Universiteti i Arteve, Tiranë	287	Fizarmonikë Klasike	30	70
Universiteti i Sporteve të Tiranës	288	Shkencat e Lëvizjes	50	50
Universiteti i Sporteve të Tiranës	289	Fushat e Veprimtarisë Fizike, të Shëndetit dhe të Rekreacionit	50	50

MINISTRIA E ARSIMIT DHE SPORTIT (TABELA NR. 2)  
PIKËT MAKSIMALE DHE MINIMALE SIPAS PROGRAMEVE NË KONKURSET E PRANIMIT

EMËRTIMI I UNIVERSITETIT	ID e PROGRAMIT	EMËRTIMI I PROGRAMIT	Pikët maksimale	Pikët minimale
Universiteti "Aleksandër Xhuvani" Elbasan	139	Edukim Fizik dhe Sporte	70	0
Universiteti "Luigj Gurakuqi" Shkodër	181	Edukim Fizik dhe Sporte	70	0
Universiteti "Luigj Gurakuqi" Shkodër	190	Pikturë e grafikë	240	60
Universiteti "Luigj Gurakuqi" Shkodër	191	Pedagogji muzikore	240	60
Universiteti "Aleksandër Moisiu" Durrës	258	Menaxhim i Bankave (Program në Gjuhë Angleze)	100	40
Universiteti "Aleksandër Moisiu" Durrës	259	Menaxhim Hoteleri Turizëm (Program në Gjuhë Angleze)	100	40
Universiteti "Aleksandër Moisiu" Durrës	260	Menaxhim i Ndërmarrjeve të Vogla dhe të Mesme (Program në Gjuhë Angleze)	100	40
Universiteti i Arteve, Tiranë	261	Regji Filmi dhe Televizioni	240	60
Universiteti i Arteve, Tiranë	262	Aktrim	240	60
Universiteti i Arteve, Tiranë	263	Regji	240	60
Universiteti i Arteve, Tiranë	264	Skenografi - Kostumografi	240	60
Universiteti i Arteve, Tiranë	265	Koreografi	240	60
Universiteti i Arteve, Tiranë	266	Pikturë	240	60
Universiteti i Arteve, Tiranë	267	Skulpturë	240	60
Universiteti i Arteve, Tiranë	268	Muzikologji	240	60
Universiteti i Arteve, Tiranë	269	Kompozim	240	60
Universiteti i Arteve, Tiranë	270	Dirizhim	240	60
Universiteti i Arteve, Tiranë	271	Piano	240	60
Universiteti i Arteve, Tiranë	272	Violinë	240	60
Universiteti i Arteve, Tiranë	273	Violonçel	240	60
Universiteti i Arteve, Tiranë	274	Violë	240	60
Universiteti i Arteve, Tiranë	275	Kitarë	240	60
Universiteti i Arteve, Tiranë	276	Kontrabas	240	60
Universiteti i Arteve, Tiranë	277	Flaut	240	60
Universiteti i Arteve, Tiranë	278	Oboe	240	60
Universiteti i Arteve, Tiranë	279	Klarinetë	240	60
Universiteti i Arteve, Tiranë	280	Fagot	240	60
Universiteti i Arteve, Tiranë	281	Korno	240	60
Universiteti i Arteve, Tiranë	282	Trombë	240	60
Universiteti i Arteve, Tiranë	283	Trombonë	240	60
Universiteti i Arteve, Tiranë	284	Bastub	240	60
Universiteti i Arteve, Tiranë	285	Kanto	240	60
Universiteti i Arteve, Tiranë	286	Pedagogji Muzikore	240	60
Universiteti i Arteve, Tiranë	287	Fizarmonikë Klasike	240	60
Universiteti i Sporteve të Tiranës	288	Shkencat e Lëvizjes	70	0
Universiteti i Sporteve të Tiranës	289	Fushat e Veprimtarisë Fizike, të Shëndetit dhe të Rekreacionit	70	0